

Wir Grauf Wilhelm von Montfort / herre ze Tettngang,¹ Veyehen
 offentlich für vns vnd für all vnsere erben vnd tûgint kund mit disem
 brief Allen die In ansehent oder hõrent lesen Von des Eschner-
 bergs² vnd der Alten³ vnd der Nûwen Vesten Schellen-
 berg⁴ / lût vnd gût wegen So wir gekoufft hând vff ainem widerkouff
 von dem Edeln vnd wolgebornen Vnserm lieben herren Vnd Swêher
 Grauf Albrecht von Werdenberg dem eltern herren ze Bludentz⁵ nâch
 Sag vnd wysung / der brief So wir vnd er darumb genenander haben
 Vnd als nû derselb vnsere lieber herr vnd Swêher die Aigenschafft des
 Eschnerbergs Vnd der Alten vnd Nûwen Vesten Schellen-
 berg lût vnd gût Was dartzû vnd daryn / Jendert gehõrt, zû
 rechter hainstûr gegeben hât für Aigen den Edeln vnd wolgebornen
 vnsern lieben Swõstran sinen Elichen Tochtran frõ katherinen⁶ Vnd frõ
 Margarethen⁷ Grâfen von Sax geborn von werdenberg / Vnd Iren erben
 vnd das Sy es von vns lösen mugen Als er / Bekennen wir mit disem
 brief das dasselb hingeben der Aigenschafft Als vorgeschriben stât,
 ouch vnsere gûter wille ist. Vnd wenn Sy ald iro erben / koment vff
 die zit vnd tag vnd als der widerkouffbrief den der egenamnt vnsere
 Swêher von vns hât, Lûtet vnd Seyt Vnd den Eschnerberg Vnd
 die alten vnd Nûwen Vesten Schellenberg lût vnd
 gût, Von Vns wider- / kouffen vnd lösen wellen Vmb das gelt Als wirs
 gekoufft hând nâch lûte des widerbriefs vnd vnsers kouffbriefs So
 sõllen vnd wellen wir vnd vnsere erben Inen vnd Iren erben Willig sin
 vnd des gestattnen zû gelycher / wys als wirs dem obgenamnten vnsern
 herren vnd Swêher ob ers getân hette Pflichtig vnd gepunden sind ze
 gestattend âne all widerred vnd geuârde, Vnd sy denn darnach dan-
 nenhin dâran Vngesumt Laussen/ Vnd des alles zû offem vnd wârem
 vrkund vnd Vester Sicherheit So geben wir den obgenamnten vnsren
 Swõstran vnd geswyen vnd Iren erben für vns vnd für vnsere erben
 disen brief darûber Besigelt mit / Vnserm Aigenen angehenkten Insigel
 der geben ist an dem nechsten zinstag nâch Sant katherinen tag Nâch
 Crists gepûrt Viertzehenhundert Jâr Dârnach In dem fûnffzehendosten
 Jâre —

Übersetzung

Wir Graf Wilhelm von Montfort, Herr zu Tettngang bekennen
 öffentlich für uns und alle unsere Erben und tun kund mit dieser Ur-
 kunde allen, die ihn ansehen oder hören lesen. Betreffs des Esch-